

getrewem Herren / zuvorderst **GOTT** zu Ehren / (der es so reichlich
 einem jeden auß Genaden / vergelten wird) vnd dann den Armen / vnd
 Dürfftigen zu Vnderhaltung ihres zeitlichen Lebens / hierzu ein Er-
 giblichen Beytrag zuthun / vnd also den Willen Gottes / nach all seiner
 Vermöglichkeit gehorsam zulaisten / nicht weniger aber ihme selber / bey
 der Christliebenden Welt / ein immer denckwürdigen guten Namen zu-
 erwecken. Wann nun ein Summa Gelds zusammen gebracht ist wor-
 den / so will anjeko an deme fürnemblichen gelegen seyn / diesen Bau
 solcher gestalt auffzuführen / ja mit gutem Bedacht also anzulegen / dens-
 selben in sonderbare gute bequeme Ordnung / vnd rühmliche Archite-
 ctur zubringen / damit er zuvorderst zu Anhörung des Seeligmachens-
 den Wort **GOTTES** / neben dem andächtigen Gebett / vnd dann auch
 in reichung des hochwürdigen Abendmals / gar anmüttig / bequem /
 vnd also gerichtet werde / damit hernach alle vnd jede francke / alte / dalig-
 gend / vnd vnvermöglische Menschen / hochwolermelte Göttliche Gaa-
 ben / gleich in ihren Bettstätten hören / nachsprechen / vnd herzerqui-
 ckend geniessen mögen. Am andern aber / daß so wolen mit der
Seelen / als auch hernach des Leibes Vffwartt / man gar behänd
 vnd sehr füglich gelangen / ihnen tröstlich zuzesprechen / ingleichen
 sie heben / legen / verbünden / curiren, auch was da immer vorfallen
 möchte / denselbigen willfährig seyn möge. Drittens / daß die arme
 dürfftige also erbärmlich daligende Leut / mit
Speiß vnd Trancß / ohne weites vmbblausen (noch verkaltung der
 Speisen) zu rechten bequemen Zeiten / vnd wenig gebrauchenden Vff-
 warttern / danner wol vnd fleissig bedient werden / damit ihnen beeder-
 seits ein Lieb geschehe. Viertens / daß der
Herz Seelsorger / Item der Herz Doctor Medicinæ, Apotecker /
 Balbierer / der Hofmeister / vnd Gegenschreiber / so wol Tags als auch
 Nachtszeiten / stettig in andern besondern Zimmern in Bereitschafft er-
 funden werden / damit in einem gehen Vberfall / den francken Personen /
 von